

四庫全書存目叢書編纂委員會編

齊魯書社

四庫全書存目叢書

魯新登字 07 號

ISBN 7-5333-0478-0

責任編輯：孫言誠 賀 偉



20/4/02
256/4/02

四庫全書存目叢書·子部五四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 40.875 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第五四冊目次

子部·醫家類

傷寒論條辨續註十二卷

〔明〕方有執條辨 〔清〕鄭重光註
北京圖書館分館藏清康熙秩斯堂刻本

醫津一筏一卷

〔清〕江之蘭撰
山西大學圖書館藏清道光吳江沈氏世楷堂刻昭代叢書本

四聖心源十卷

〔清〕黃元御撰
中國科學院圖書館藏清同治七年成都刻黃氏醫書八種本

四聖懸樞五卷

〔清〕黃元御撰
中國科學院圖書館藏清同治七年成都刻黃氏醫書八種本

素靈微蘊四卷

〔清〕黃元御撰
中國科學院圖書館藏清同治七年成都刻黃氏醫書八種本

玉楸藥解八卷

〔清〕黃元御撰
中國科學院圖書館藏清同治七年成都刻黃氏醫書八種本

司牧安驥集八卷

不著撰者
北京圖書館藏明萬曆二十一年張世則刻本

三三八

三五〇

二九二

二三三

一四〇

一一三

一

傷寒論條辨續註十二卷

〔明〕方有執條辨 〔清〕鄭重光註

北京圖書館分館藏清康熙秩斯堂刻本

附《四庫全書總目·傷寒論條

辨續註十二卷》提要

傷寒卒病論集

論曰。余每覽越人入號之診。望齊侯之色。未嘗不慨然歎其才秀也。怪當今居世之士。曾不留神醫藥。精究方術。上以療君親之疾。下以救貧賤之厄。中以保身長全。以養其生。但競逐榮勢。企踵權豪。孜孜汲汲。惟名利是務。崇飾其末。忽棄其本。華其外。而悴其內。皮之不存。毛將安附焉。卒然遭

邪風之氣。嬰非常之疾。患及禍至。而方震慄。降志屈節。欽望巫祝。告窮歸天。束手受敗。賫百年之壽命。持至貴之重器。委付凡醫。恣其所措。咄嗟嗚呼。厥身已斃。神明消滅。變為異物。幽潛重泉。徒為啼泣。痛夫舉世昏迷。莫能覺悟。不惜其命。若是輕生。彼何榮勢之云哉。而進不能愛人。知人。退不能愛身。知己。遇災值禍。身居厄地。蒙蒙昧

昧、燻若遊魂、哀乎趨世之士、馳兢浮華、不固根本、忘軀徇物、危若冰谷、至於是也。余宗族素多、向餘二百、建安紀年以來、猶未十稔、其死亡者、三分有二、傷寒十居其七、感往昔之淪喪、傷橫枉之莫救、乃勤求古訓、博采衆方、撰用素問九卷、八十一難、陰陽大論、胎臚藥錄、并平脉證、辨為傷寒雜病論、合十六卷。雖未能盡愈諸病、庶可以

見病知源。若能尋余所集、思過半矣。夫天布五行以運萬類、人稟五常以有五藏、經絡府俞、陰陽會通、玄冥幽微、變化難極、自非才高識妙、豈能探其理致哉。上古有神農黃帝、岐伯伯高、雷公少俞、少師仲文、中世有長桑扁鵲、漢有公乘陽慶及倉公。下此以往、未之聞也。觀今之醫、不念思求經旨、以演其所知、各承家技、終始順舊、省疾

問病、務在口給、相對斯頃、便處湯藥、按寸不及尺、握手不及足、人迎跌陽、三部不參、動數發息、不滿五十、短期未知決診、九候曾無髣髴、明堂闕庭、盡不見察、所謂窺管而已、夫欲視死別生、實為難矣、孔子云生而知之者上、學則亞之、多聞博識、知之次也、余宿尚方術、請事斯語、漢長沙守南陽張機著

傷寒論條辨序

醫之為道肇始於本草經闡明於素難至傷寒論而大備焉本草經者神農氏之書也素難者軒岐越人之書也傷寒論仲景氏之遺書也然本草之作於神農氏世傳其說而不經見嘉祐本草序謂神農嘗百草而醫方興上世未有文字師學相傳謂之本草兩漢名醫仲景華佗諸賢始因古

學附以新說通為編述本草經是始見於經誠如是仲景既已首事其間而乃有是論之作則其先後素難而股肱之其功豈不遠賢於神皇軒岐與越人而獨盛哉於是醫門尊之以為聖猶儒門之聖孔子而宗師焉然則斯道之大其所以繼往聖而開來學者顧不大有賴於斯文耶夫道不出自聖人不足以言大何謂大道道莫大

於堯舜孔子之贊堯則曰巍巍乎惟天為大惟堯則之孔子集衆聖之大成子貢之贊孔子則曰夫子之不可及也猶天之不可階而升也然則聖人道之所以大無有不出自天者噫本草之作於神農氏繼天而立極者也素難之作於軒岐越人故天人之秘者是是論也本之風寒暑濕發之於三陽三陰風寒暑濕者天之四氣也三

陽三陰者人之所得乎天周於身之六經也四氣有時或不齊六經因之而為病是故病統乎經中傷合併脈證傳變標本虛實表裏寒熱汗吐下溫正反逆從條之以法而法三百九十七繫之以方而方一百一十三者天人事物錯綜之自然而然者也其以風為首論者即素問曰風為百病之長也其推而至於壞病不一病名各病

而以壞名者。壞則不能盡其變而舉以名之。故槩之以壞。曰壞者。即素問曰萬病皆生於風寒暑濕燥火之意也。自其辨而言之。誠萬殊也。然既壞矣。而曰知犯何逆。隨證治之。又知犯何逆。以法治之。其所以妙於一本者。豈小道者所得同日而語哉。讀之者。皆知其為傷寒論也。而不知其乃有所為於傷寒而立論。所論不啻傷寒而

已也。本草素難之。顯仁蔽用者。表表然無餘蘊矣。所以法而世為天下則。方而世為萬病祖。乃至預有集斯道之大成。而擅百世宗師之同歸者。道不同而同出天。天者理也。理在人心。無古今方隅之異也。何則。乃有不同是心。而宗師鈐槌活人類證。因鈐槌活人類證者出。而斯道日茅塞矣。繼素難之往轍。難乎其人焉。非天下之病是

病者。有所不幸而然耶。何斯道之至於斯也。嗟乎。七篇不作。楊墨之橫流不息也。灑洛關閩之傳註不出。堯舜孔子之道家殊而戶異也。余何人斯。而條辨哉。於是不揣愚陋。改故即新。輸心委志。游邇涉遐。薪膽風霜。晨宵砥礪。積以畢世。憂勤。僅克辦成斯錄。於發揚經義之蘊奧。雖不敢以彷彿言。而探本溯源。蓋有若自得其萬一於言

表者。亦不敢自欺也。蓋將以為後之有志仲景之堂室者。級階梯之助云爾。

皆

萬曆己丑春三月戊申朔。歙靈山方有執書

傷寒論條辨引

傳曰仲景者姓張氏名機仲景其字也南陽人受業於同郡張伯祖善於治療尤精經方舉孝廉官至長沙太守東漢時人後在京師為名醫於當時為上手以宗族二百餘口建安紀年以來未及十稔死者三之二而傷寒居其七乃著論二十二篇證三百九十七法方一百一十三道文辭簡古與雅古今治傷寒者未有能出其外也其書為諸方之祖時人以為扁鵲倉公無以加之故後世尊為

醫聖夫扁鵲倉公神醫也神尚矣人以為無以加於仲景而稱仲景曰聖豈非以仲景之見諸事業載諸簡篇者皆表章天人股肱素難達之天下通之古今易簡而易知易能非神奇怪異人之所不可知不可能者所可同年而語也是故稱聖焉賈太傅曰吾聞古之聖人不居朝廷必在醫卜之中語不虛矣然醫聖也書曰論何也論也者仲景自道也因慎傷寒之不明咸宗族之非命論病以辨明傷寒非謂傷寒之一病也其文經也其事則論

其心則以為始事於戚乃不欲忘其初其功則惠我後人其意則又不欲以經自居易曰謙謙君子此之謂也吾故曰名雖曰論實則經也雖然若曰傷寒經殊乖矣必曰醫經稱情哉
萬曆癸巳陽月之吉歙邑靈山方有執讞

傷寒論條辨續註序

醫仁術也。非身家之肥而已。蓋直操生民之命馬。然世之業醫者可怪也。病之劇莫劇於傷寒。治病之難莫難於治傷寒。而世之治傷寒者。則有沿習之三十七方。不分經。不辨證。任其候百變。而惟依稀髣髴。舉此而嘗試之。爾。嗚乎。是豈所以操生民之命哉。昔漢長沙太守張仲景。感家衆困於傷寒。因發憤竭志。

畢力而著為論。此治傷寒之祖也。論中所載。三百九十有七法。百十有三方。至精至微。雖累數千年。而治傷寒者莫能違也。顧其書一詮。次於有晉之王叔和。再註釋於有宋之戴無已。而世終不遵長沙。而惟守其沿習之說。而不變。嗚乎。彼豈不知長沙之法與方。固莫之能違乎。誠無如叔和無已之詮註。既未嘗為之歌賦焉。可以記誦。而又未嘗提綱挈領。

條分縷析。俾之尋究乎其中。而即了然於法與方之所以然。則其以為莫殫之業而置之無惑也。光自早歲。痛先大人見背。維時坐困於不知醫。而無如何。續又自得羸疾。不能灑肆力於醫藥。自軒岐以來。下迄近代。凡聖哲之書。莫不殫究。遇前輩名家。莫不虚心質問。而又驗之臨證。以觀其效。其有不效。則又參

互考証。以求灼見其所以然。蓋託始於感憤。而恕以施之。故不敢輕民之所以生死者。而一諉諸其命也。如是三十年來。蓋竊不自揣。而疑以為似不無略有所窺於先聖之奧者。而傷寒一證。則遍究群書。終無以愈乎長沙之論。間嘗採輯諸家註疏。以期發明乎長沙之所以法與方者。則自前世以來。雖代不乏人。而惟吾鄉方中行先生條辨一書為最。其

書叙六經於篇首。繫各條於六經。而太陽一經。又分三篇。使風寒分合。各有攸歸。雖少陽未及分編。三陰間晦經旨。要其金力獨注太陽三篇。故至三陰經則氣稍餒。而提挈綱維。開示間奧。使三百九十有七法。百十有聖方。莫不確乎其有所必然。而可以適乎證而施之治。則先生所為條而辨之者。正未嘗不度越前人。而大有關於生民之命也。厥後祖述

條辨以成書。若俞嘉言之尚論。張璐王之續論。程嘉倩之後條辨。雖復互有發明。要亦各兼出入。未能於條辨乎或過也。先是於治疾之餘。原本條辨一書。刪其支詞。更旁及尚論續論。後條辨。傷寒論翼諸書。謬以己意。折衷。一。是。僭為續註。其六經各條。仍隸六經。合病風溫等條。則另分篇目。原文錯簡。頗為移正。單如平脉諸篇。既非長沙所作。傷寒例一

篇。更非叔和所述。悉從刊落。不敢承訛。惟收瘧濕暍三篇。為與傷寒相似故也。各篇之首。挈出主腦。發明大義於前。篇中諸條。皆遵經文。精詳辨註於後。若證若治。開卷了然。然則是書也。雖亦未嘗為之歌賦焉。可以記誦。而融貫諸家之發明。增損條辨為完書。綱舉目張。使人一尋究乎其中。而即不至謬為莫殫之業。則意者其庶幾乎書成。世臣喬子諸君

請助資刊布。夫。寔固陋。何敢自是其愚。乃條辨諸書。舊板無存。印本亦稀。嗣是以往。有欲祖長沙以治傷寒者。不獲遍尋繹於註疏諸家。參互考鏡。以曉然於其法與方之所以然。則又將終守其三十七方而不變。操是術也。將肥其身家。我不敢知。而用以操生民之命。奚可哉。爰是不揣固陋。續註而重梓之。康熙乙酉年冬月新安鄭重光述

傷寒論條辨續註目錄

卷一

辨太陽病脉證上篇 凡五十五法

卷二

辨太陽病脉證中篇 凡七十二法

卷三

辨太陽病脉證下篇 凡二十三法

卷四

辨陽明病脉證前篇 凡四十五法

卷五

辨陽明病脉證後篇 凡三十二法

卷六

辨少陽病全篇 凡二十二法

辨合病併病脉證 凡十二法

卷七

辨太陰病脉證全篇 凡九法

卷八

辨少陰病脉證前篇 凡二十七法

卷九

辨少陰病脉證後篇 凡十九法

卷十

辨厥陰病脉證全篇 凡五十三法

辨差後勞復陰陽易病脉證 凡七法

卷十一

辨溫病風溫脉證 凡五法

辨霍亂病脉證 凡十一法

辨痰病水病脉證 凡四法

卷十二

辨瘧濕暍病脉證

傷寒論條辨續註正方目錄

太陽上篇

桂枝湯

五苓散

桃核承氣湯

抵當湯

桂枝加附子湯

桂枝加桂湯

覆湯

桂枝人參湯

葛根湯連黃芩湯

桂枝去芍藥湯

桂枝去芍藥加附子湯

桂枝加厚朴杏仁湯

大陷胃湯

大陷胃丸

大柴胡湯

太陽中篇

麻黃湯

茯苓甘草湯

小建中湯

芍藥甘草附子湯

調胃承氣湯

桂枝加芍藥生薑人參新加湯

麻黃杏仁甘草石膏湯

桂枝甘草湯

茯苓桂枝甘草大棗湯

厚朴生薑甘草半夏人參湯

生薑瀉心湯

甘草瀉心湯

大黃黃連瀉心湯

附子瀉心湯

赤石脂禹餘糧湯

旋復代赭石湯

半夏瀉心湯

小陷胃湯

柴胡加桂枝湯

柴胡加龍骨牡蠣湯

乾薑附子湯

乾薑黃連黃芩湯

茯苓桂枝白朮甘草湯

炙甘草湯

梔子厚朴湯

梔子乾薑湯

梔子豉湯

梔子甘草豉湯

梔子生薑豉湯

抵當丸

桂枝附子湯

桂枝附子去桂枝加白朮湯

甘草附子湯

麻黃連軹赤小豆湯

茵陳蒿湯

梔子蘗皮湯

柴胡加芒硝湯

太陽下篇

大青龍湯	桂枝麻黃各半湯
桂枝二越婢一湯	桂枝二麻黃一湯
桂枝去桂加茯苓白朮湯	
桂枝去芍藥加蜀漆龍骨牡蠣救逆湯	
桂枝甘草龍骨牡蠣湯	
甘草乾薑湯	芍藥甘草湯
茯苓四逆湯	小青龍湯
白虎湯	白虎加人參湯
黃連湯	

陽明前篇	葛根湯
桂枝加葛根湯	
小承氣湯	吳茱萸湯
猪苓湯	
陽明後篇	
蜜煎導方	猪胆汁導方
大承氣湯	麻仁丸
少陽全篇	
小柴胡湯	柴胡桂枝乾薑湯

合病併病	
葛根加半夏湯	黃芩湯
黃芩加半夏生薑湯	
太陰全篇	
桂枝加芍藥湯	桂枝大黃湯
少陰前篇	
麻黃附子細辛湯	麻黃附子甘草湯
附子湯	白通湯
白通加猪胆汁湯	真武湯

四逆加猪胆汁湯	通脈四逆湯
四逆湯	
少陰後篇	
黃連阿膠湯	桃花湯
猪膚湯	甘草湯
桔梗湯	半夏散及湯
苦酒湯	四逆散
厥陰全篇	
烏梅丸	當歸四逆湯

當歸四逆加吳茱萸生薑湯

麻黃升麻湯 白頭翁湯

差後諸復病

枳實梔子豉湯 牡蠣澤瀉散

竹葉石膏湯 燒裨散

霍亂病

理中丸湯 四逆加人參湯

痰水病

瓜蒂散 文蛤散

三白散

傷寒論條辨正方目錄終

傷寒論條辨續註卷一



歙邑方有執中行甫條辨

同里鄭重光在辛甫續註

門人熊壽試青選甫校閱

辨太陽病脈證治法上篇

太陽一經風寒所始營衛二道各自中傷風則中衛寒則傷營風寒兼中營衛並傷風者百病之長也故以中風病列為上篇若風中無寒便屬和風一夾寒邪中人為病即得以

傷寒名之太陽之為病脈浮頭項強痛惡寒乃本經風寒二證之提綱要知三陽之脈俱受三陽俱有頭痛六經受寒俱各惡寒惟頭項強痛是太陽專病如脈浮惡寒發熱而頭不痛項不强便非太陽病也如頭項強痛反不惡寒脈反沉不可謂非太陽病或病關少陰或溫邪內發或濕流關節或吐後內煩法當救裏因當浮不浮當惡不惡故謂之反也太陽病尚有身疼身重腰痛骨節疼痛鼻鳴

乾嘔、嘔逆、煩躁、胸滿、背強、咳、渴、汗出、惡風、無汗而喘等證，仲景以其或然或否，散見諸條。此為兼證，故不入提綱。太陽為巨陽，陽病必發熱，提綱亦不言及者，以初受病或未發熱也。治病者於頭項強痛之時，必須理會此等兼證，更審其惡風惡寒之病情，有汗無汗之病機。已發熱未發熱之病勢，即於此際辨其有汗是桂枝證，無汗是麻黃證，無汗煩躁是大青龍證，乾嘔而欬是小青龍證，脈反沉是

四逆湯證，用之恰當，効如桴鼓。診脈時當於浮中審其脈勢之強弱，脈息之遲數，脈氣之緊緩，脈象之滑濇弦芤，故太陽一經有但浮、浮弱、浮緩、浮緊、浮遲、浮數等脈，散見諸條。或陽浮而陰弱，或陰陽俱緊，或陰陽俱浮，或又中脈遲，或尺中脈微，或寸緩關浮尺弱，必細加體察，以消息其裏證之虛實。凡見脈浮遲浮弱者，即當用桂枝；浮緊浮數者，即當用麻黃。不必以風寒之令，但從脈之虛實而施治。

此仲景之心法也。王叔和編次傷寒論，以太陽主病反編第五，而以脈法傷寒例、痙濕暍病、反置於前。然世傳諸篇，皆叔和所述，今按傷寒例一篇，又非叔和之語。夫叔和編經與後經而先已，必後註者贅附混濇，遂致紊亂。經文漫無統序，茲宗本論經旨，僭為條辨。太陽經中分為三篇，以風中衛為上篇，寒傷營為中篇，風寒兩傷營衛為下篇。六經皆以虛淺之語，括大義於前，各條皆遵經論，雖詳於

後其合病併病，差後復病，風溫霍亂，痙木痲濕，暍病諸條，皆逐證分疏，各立篇目，俾開卷了然，以便分門治療。

○統論太陽經受病之初，定脈定證一條

太陽者，膀胱經也。其脈起於目內眥睛明穴，上交巔入絡腦，還出別下項，連風府，循脊背，下脊抵腰中，乃大經之首。注皮膚而統營衛，所以為受病之先也。脈浮主表，脈見尺寸俱浮，病在太陽之表也。頭項強痛者，風寒沖於太陽經絡，感邪而皆病惡寒者，該風而皆風寒初襲表，而未發故不勝發而即發熱也。揭太陽受病之初，定脈定證之法，為上中下三篇之大綱也。

此種太陽病者皆指此而言也

○辨太陽受病風寒不同先辨中風定脈定證一條

○辨中風病發熱汗出惡風脈緩者名爲中風

發熱者風邪中於肌膚而鬱蒸也風傷衛所以汗出脈理疎玄府開而不固也風邪鬱於衛故衛逆而惡風緩即下文陽浮而陰弱之謂風性弱和脈故緩也蓋風性屬陽其中人也從衛而入衛亦陽從其類也此承上條再揭太陽病中凡稱太陽中風病而發熱汗出惡風脈緩皆括在內下條乃釋此條之意而出其治法也

○辨中風病主用桂枝湯解肌大綱一條

○辨中風病發熱汗出惡風脈緩者名爲中風
發熱者風邪中於肌膚而鬱蒸也風傷衛所以汗出脈理疎玄府開而不固也風邪鬱於衛故衛逆而惡風緩即下文陽浮而陰弱之謂風性弱和脈故緩也蓋風性屬陽其中人也從衛而入衛亦陽從其類也此承上條再揭太陽病中凡稱太陽中風病而發熱汗出惡風脈緩皆括在內下條乃釋此條之意而出其治法也

中風脈證者二上篇太陽中風陽浮而陰弱陽浮者熱自發陰弱者汗自出番番惡寒等證以桂枝湯主之下篇太陽中風脈浮發熱惡寒身疼痛不汗出而煩躁者大青龍湯主之二證相較陽浮陰弱見寒之輕身疼浮紫見寒之重番番翁翁見寒熱之輕身疼浮紫見寒之重自汗乾嘔見煩之輕不汗出見煩躁之重皆皆稱太陽中風而見證各有輕重於二湯之藥品見之矣

桂枝湯方

桂枝 三兩 芍藥 二兩 甘草 二兩 生薑 切 三兩 大枣 擘 十二枚

右五味以水七升微火煮取三升去滓適寒

溫服一升服已須臾飲熱稀粥一升餘以助藥力

溫覆令一時許遍身熱微似有汗者益佳不可令如水淋漓病必不除若一服汗出病差俾後服不必盡劑若不汗更服依前法又不汗後服小促從其間半日許令三服盡若病重者一日一夜服周時觀之服一劑盡病證猶在者更作服若汗不出者乃服至二三劑禁生冷粘滑肉麪五辛酒酪臭惡等物

按桂枝性味甘辛而屬陽能解肌固衛而止陰水芍藥酸寒下氣收陰而斂液也夫衛受邪則脈理開疎非桂枝能收之固衛營血虛而汗自出非芍藥能收之以芍藥臣事桂枝而

治中風使營衛和諧而病自解佐以甘草和中
以退熱使以薑棗益胃而止嘔皆用命之士也
微火者取和緩不猛免耗辛甘之氣欲稀熱粥
以助藥力此微有也微似有汗更為深意桂枝
湯原主解肌禁其大汗如水流漓病必不除也
小從後催連值事也諸家集方遺却微稀熱粥
四字徒以發汗相授受微似二字
視為美文苟簡之弊大都若此

○辨桂枝湯有禁用三條

四桂枝本為解肌若其人脈浮緊發熱汗不壅者
不可與也當須識此勿令誤也

桂枝湯原為太陽中風而立蓋風傷衛則衛不
固致發熱汗出而惡風衛行脈外肌膚之分也
桂枝以解熱汗出而惡風衛行脈外肌膚之分也
陽傷寒也寒傷營故汗不出汗不出者則不可

與也以傷寒無汗不得
用桂枝湯故示禁焉

五凡服桂枝湯吐者其後必吐膿血也

桂枝辛甘性溫胃家濕熱甚者則兩熱相搏於
中胃不同納反上湧而吐逆也胃熱傳肺與邪
鬱蒸久而化火肺金
受灼必致吐膿血也

六酒客病不可與桂枝得湯則嘔以酒客不喜甘
故也

酒性濕熱胃則因之故得湯而
嘔此承上條後舉一端以申之

○辨汗後水氣上逆有禁更汗增吐利一條

七發汗後水藥不得入口為逆若更發汗必吐下

不止

發汗後水藥不得入口已誤在汗矣若其人復
脈浮自汗似桂枝證此乃因前誤汗陽浮於外
胃中虛冷格拒不納若更發汗必吐下不止而
至亡陽者此條諸家不入桂枝四禁凡誤用表
藥皆令吐下不止不獨桂枝也仲景於水逆之
證不用表藥惟用五苓散以導水服後隨既熱
湯以取汗正與此
條互相發明者也

○辨太陽受病有風寒不同而定愈日四條

八病有發熱惡寒者發於陽也無熱惡寒者發於
陰也發於陽者七日愈發於陰者六日愈以陽數
七陰數六也

此太陽中風傷寒之始以定其解之日也病在
太陽皆惡寒發熱惡寒者太陽中風也風屬陽
故病起於陽也無熱惡寒者太陽傷寒也蓋寒
邪初受未鬱為熱故曰無熱寒屬陰故病起於
陰也陽數七者陽數九為老七為少比相陽之
生數也陰數六為老八為少六者陰之退數也
以陽進陰退
病斯愈矣

九太陽病頭痛至七日已上自愈者以行其經盡
故也若欲作再經者鍼足陽明使經不傳則愈

此承上條自愈者復申明已然之義更示人以
未然之治內經云太陽頭痛七日乃衰七日已
上該六日而言也經蓋謂傳過也欲作再經
謂病再傳鍼足陽明奪其傳路而過之也
欲自解者必當先煩乃有汗而解何以知之脈